



唐詩卷九十八

李翰林留別

秋日魯郡堯祠亭上宴別杜補闕范侍御

我覺秋興逸誰云秋興悲山將落日去水與

酒白玉壺送行駐金羈歌鞍憇古木解帶挂橫枝歌鼓

川上亭曲度神飈吹雲歸碧海夕鴈沒青天時相失各

萬里茫然空爾思

別魯頌

李翰林留別

卷九十八

一



誰道泰山高下却魯連節誰云秦軍衆推却魯連舌獨
立天地間清風洒蘭雪夫子還個儻攻文繼前烈錯落
石上松無為秋霜折贈言鏤寶刀千歲底不滅

別中都明府兄

吾兄詩酒繼陶君試宰中都天下聞東樓喜奉連枝會
南陌愁為落葉分城隅淶水明秋日海上青山隔暮雲
取醉不辭留夜月鴈行中斷惜離羣

夢遊天姥吟留別

一作別東魯諸公
曾諸公

海客談瀛洲煙濤微茫信難求越人語天姥雲霓明滅
或可覩天姥連天向天橫勢拔五嶽掩赤城天台四萬
八千丈對此欲倒東南傾我欲因之夢吳越一夜飛度
鏡湖月湖月照我影送我至剡溪謝公宿處今尚在淶
水蕩漾清猿啼脚着謝公屐身登青雲梯半壁見海日
空中聞天雞千巖萬轉路不定迷花倚石忽已暝熊咆
龍吟殷巖泉慄深林兮驚層巔雲青青兮歆雨水澹澹
兮生烟列缺霹靂立巒崩摧洞天石扇訇然中開青冥

浩蕩不見底日月照耀金銀臺霓為衣兮風為馬雲之
君兮紛紛而來下虎鼓瑟兮鸞迴車仙之人兮列如麻
忽魂悸以魄動恍驚起而長嗟惟覺時之枕席失向來
之烟霞世間行樂亦如此古來萬事東流水別君去時
何時還且放白鹿青崖間須行即騎訪名山安能摧眉
折腰事權貴使我不得開心顏

留別曹南羣官之江南

我昔釣白龍放龍溪水傍道成本欲去揮手凌蒼蒼時

來不關人談笑遊軒皇獻納少成事歸休辭建章十年
罷西笑覽鏡如秋霜閉劍琉璃匣鍊丹紫翠房身佩豁
落圖腰垂虎盤囊仙人駕彩鳳志在窮遐荒戀子四五
人徘徊未翱翔東流送白日驟歌蘭蕙芳仙宮西無從
人間久摧藏范蠡說句踐屈平去懷王飄飄紫霞心流
浪憶江鄉愁為萬里別復此一銜觴淮水帝王州金陵
繞丹陽樓臺照海色衣馬搖川光及此北望君相思淚
成行朝雲落夢渚瑤草空高堂帝子隔洞庭青楓滿瀟

湘懷君路綿邈覽古情淒涼登岳眺百川杳然萬恨長
知戀峨眉去弄景偶騎羊

留別于十一兄述裴十三遊塞垣

太公渭川水李斯上蔡門釣周獵秦安黎元小魚鮒兔
何足言天張雲卷有時節吾徒莫嘆羝觸藩于公白首
大梁野使人悵望何可論既知朱亥為壯士且願束心
秋毫裏秦趙虎爭血中原當去抱關枚公子裴生覽千
古龍鸞炳文章悲吟雨雪動林木放書輟劍思高堂勸

爾一盃酒拂爾裘上霜爾為我起舞吾為爾楚歌且探
虎穴向沙漠鳴鞭走馬凌黃河耻作易水別臨歧淚滂
沱

留別王司馬嵩

魯連賣談笑豈是顧千金陶朱雖相越本有五湖心余
亦南陽子時為梁甫吟蒼山容偃蹇白日惜顏侵願一
佐明主功成還舊林西來何所為孤劍託知音烏愛碧
山遠魚遊滄海深呼鷹過上蔡賣畚向嵩岑他日間相

即前東武吟剛

訪丘中有素琴

還山畱別金門知己

一作出金門後書
懷畱別翰林諸公

好古笑流俗素聞賢達風方希佐明主長揖辭成功
白日在青天迴光矚微躬恭承鳳皇詔欲起雲蘿中清切
紫霄迥優游丹禁通君王賜顏色聲價凌烟虹乘輿擁
翠蓋扈從金城東寶馬驟絕景錦衣入新豐倚巖望松
雪對酒鳴絲桐方學揚子雲獻賦甘泉宮天書美片善
清芬播無窮歸來入咸陽談笑皆王公一朝去金馬飄

落落飛蓬賓友日疎散玉樽亦已空長才猶可倚不慚
世上雄閒來東武吟曲盡情未終書此謝知己扁舟尋
釣翁

夜別張五

吾多張公子別酌酣高堂聽歌舞銀燭把酒輕羅霜橫
笛弄秋月琵琶彈陌桑龍泉解錦帶為爾傾千觴

魏郡別蘓明府因北遊

魏都接燕趙美女誇芙蓉淇水流碧玉舟車日奔衝青

樓夾西岸萬室喧歌鐘天下稱豪貴遊此每相逢洛陽
蘓季子劍戟森詞鋒六印雖未佩軒車若飛龍黃金數
百鎰白璧有幾雙散盡空掉臂高歌賦還却落魄乃如
此何人不相從遠別隔兩河雲山香千重一作愁容何時更杯酒
再得論心胃

留別西河劉少府

秋髮已種種所為竟無成間傾魯壺酒笑對劉公榮謂
我是方朔人間落歲星白衣千萬乘何事去天庭君亦

不得意高歌羨鴻冥世人若醢雞安可識梅生雖為刀
筆吏緬懷在赤城余亦如流萍隨波樂休明自有兩少
妾雙騎駿馬行東山春酒綠歸隱謝浮名

潁陽別元丹丘之淮陽

淮南

吾將元夫子異姓為天倫本無軒裳契素以烟霞親嘗
恨迫世網銘意俱未伸松栢雖寒苦羞逐桃李春悠悠
市朝間玉顏日緇磷所失重山岳所得輕埃塵精魄漸
蕪穢衰老相憑因我有錦囊訣可以持君身當餐黃金

藥去為紫陽賓萬事難並立百年猶崇晨別爾東南去
悠悠多悲辛前志庶不易遠速期所遵已矣歸去來白
雲飛天津

留別廣陵諸公 一作淮南留別作留別邯鄲故人

憶昔作少年結交趙與燕金羈絡駿馬錦帶橫龍泉寸
心無疑事所向非徒然晚節覺此踈獵精草太玄空名
束壯士薄俗棄高賢中迴聖明顧揮翰凌雲烟騎虎不
敢下攀龍忽墮天還家守清真孤潔勵秋蟬鍊丹費大

石採藥窮山川卧海不關人租稅遼東田乘興忽復起
掉歌溪中船臨醉謝葛強山公欲倒鞭狂歌自此別垂
釣滄浪前

廣陵贈別

玉瓶沽美酒數里送君還繫馬垂楊下街孟大道間天
邊看淥水海上見青山興罷各分袂何須別醉顏

感時留別從兄徐王延年從弟延陵

天籟何參差噫然大塊吹玄元包素籥紫氣何逶迤七

葉運皇化千齡光本支仙風生指樹大雅歌螽斯諸王
若鸞虬肅穆列藩維哲兄錫茅土聖代羅榮滋九卿領
徐方七步繼陳思伊昔全盛日雄豪動京師冠劍朝鳳闕
樓船侍龍池鼓鐘出朱邸金翠照丹墀君王一顧盼選
色猷蛾眉列戟十八年未曾輒遷移大臣小暗鳴謫竄
天南垂長沙不足舞貝錦且成詩佐郡浙江西病閒絕
驅馳階軒日苔蘚鳥雀噪簷帷時乘小肩輿出入畏人
知北宅聊偃憇歡愉恤惻釐羞言梁苑地烜赫耀旌旗

兄弟八九人吳秦各分離大賢達機兆豈獨慮安危小
子謝麟閣雁行忝肩隨令弟字延陵鳳毛出天姿清英
神仙骨芬馥蒞蘭蕙夢得春草句將非惠連誰深心紫
河車與我特相宜金膏猶罔象玉液尚磷緇伏枕寄賓
館宛同清漳湄藥物多見饋珍羞亦兼之誰道溟渤深
猶言淺恩慈鳴蟬遊子意促織念歸期驕陽何太赫海
水爍龍龜百川盡凋枯舟楫閣中遠策馬搖涼月通宵
出郊坻泣別目眷眷傷心步遲遲願言保明德王室佇

清夷摻袂何所道援毫投此辭

別儲邕之剡中

借問剡中道東南指越鄉舟從廣陵去水入會稽長竹
色溪下綠荷花鏡裏香辭君向天姥拂石卧秋霜

畱別金陵諸公 金陵

海水昔飛動三龍紛戰爭鐘山危波瀾傾側駭奔鯨黃
旗一掃蕩割壤開吳京六代更霸王遺跡見都城至今
秦淮間禮樂秀群英地扇鄒魯學詩騰顏謝名五月金

陵西祖余白下亭欲尋廬峯頂先遶漢水行香爐紫烟
滅瀑布落太清若攀星辰去揮手緬含情

口號 一作口號畱別金陵諸公

食出野田美酒臨遠水傾東流若未盡應見別離情

金陵酒肆畱別

風吹 一作白門柳花滿店香吳姬壓酒喚客嘗金陵子弟來

相送欲行不行各盡觴諸君試問東流水別意與之誰

短長

金陵白下亭留別

驛亭三楊樹正當白下門
吳煙暝長條漢水齧古根
向來送行處迴首阻笑言
別後若見之為余一攀翻

別東林寺僧

東林送客處月出白猿啼
笑別廬山遠何煩過虎溪

竄夜郎於烏江留別宗十六璟

君家全盛日台鼎何陸離
斬鼉翼媧皇鍊石補天維
一迴日月顧三入鳳皇池
失勢青門傍種瓜復幾時
猶會

衆賓客三千光路岐
皇恩雪憤憑松柏含榮滋
我非東林人令姊忝齊眉
浪跡未出世空名動京師
適遭雲羅解翻謫夜郎悲
拙妻莫邪劍及此一作二龍隨
慙君湍波若千里遠從之
白帝曉猿斷黃牛過客遲
遙瞻明月峽西去益相思

留別龔處士

龔子棲閒地都無人世喧
柳溪陶令宅竹暗辟疆園
我去黃牛峽遙愁白帝猿
贈君卷菹草心斷竟何言

贈別鄭判官

竄逐勿復哀，慚君問寒灰。
浮雲本無意，吹落章華臺。
遠別淚空盡，長愁心已摧。
二年吟澤畔，顛顛幾時迴。

黃鶴樓送孟浩然之廣陵

故人西辭黃鶴樓，烟花三月下揚州。
孤帆遠影碧空盡，唯見長江天際流。

將遊衡嶽過漢陽雙松亭留別族弟浮屠談皓

秦欺趙氏璧，却入邯鄲宮。
本是楚家玉，還來荆山中。
丹

彩瀉滄溟清輝凌，白虹青蠅一相點。
流落此時同卓絕，道門秀談玄乃支。
公延蘿結幽居，剪竹繞芳叢。
涼花拂戶牖，天籟鳴虛空。
憶我初來時，蒲萄開景風。
今茲大火落，秋葉黃梧桐。
水色夢沅湘，長沙去何窮。
寄書訪衡嶠，但與南飛鴻。

留別賈舍人至二首

大梁白雲起，飄颻來南洲。
徘徊蒼梧野，十見羅浮秋。
鰲挾山海傾，四溟揚洪流。
意欲託孤鳳，從之摩天遊。
鳳苦

道路難翱翔還窺丘不肯銜我去哀鳴慙不啻遠客謝
主人明珠難暗投拂拭倚天劍西登岳陽樓長嘯萬里
風掃清胃中憂誰念劉越石化為繞指柔

秋風吹胡霜凋此簷下芳折芳願怨歲晚離別悽以傷謬
攀青瑣賢延我於此堂君為長沙客我獨之夜即勸此
一杯酒豈惟道路長割珠兩分贈寸心久不忘何必兒
女仁相看淚成行

渡荆門送別

渡遠荆門外來從楚國遊山隨平野盡江入大荒流月
下飛天鏡雲生結海樓仍連故鄉水萬里送行舟

聞李太尉大舉秦兵百萬出征東南懦夫請纓
冀申一割之用半道病還留別金陵崔侍御十

九韻

復至金陵

秦出天下兵蹴踏燕趙傾黃河飲馬竭赤羽連天明太
尉杖旄鉞雲騎繞彭城三軍授號令千里肅雷霆函谷
絕飛鳥武關擁連營意在斬巨鼉何論鱸長鯨恨無左

車略多愧魯連生拂劍照嚴霜彫戈鬢胡纓願雪會稽
恥將期報息榮半道謝病還無因東南征亞夫未見顧
劇孟阻先行天奪壯士心長吁別吳京金陵遇太守倒
疑相逢迎群公咸祖餞四座羅朝英初發臨滄觀醉棲
征虜亭舊國見秋月長江流寒聲帝車信迴轉河漢復
縱橫孤雁向西海飛鴻辭北溟因之出寥廓揮手謝公
卿

別韋少府

西出滄龍門南登白鹿原歆尋商山皓猶戀漢皇恩水
國遠行邁仙經深討論洗心向秋月清耳敬亭猿築室
在人境閉關無世喧多君枉高駕贈我以微言交乃意
氣合道因風雅存別離有相思瑤瑟與金樽

南陵別兒童入京

白酒新熟山中歸黃鷄啄黍秋正肥呼童烹雞酌白酒
兒女嬉笑牽人衣高歌取醉欲自慰起舞落日爭光輝
游說萬乘苦不蚤着鞭跨馬涉遠道會稽愚婦輕買臣

余亦辭家西入秦仰天大笑出門去我輩豈是蓬蒿人

別山僧

涇縣作

何處名僧到水西乘舟弄月宿涇溪平明別我上山去
手攜金策踏雲梯騰身轉覺三天近舉足迴看萬嶺低
謔浪肯居支遁下風流還與遠公齊此度別離何日見
相思一夜瞑猿啼

贈別王山人歸布山

王子析道論微言破秋毫還歸布山隱興入天雲高爾

去安可遲瑤草恐衰歇我心亦懷歸屢夢松上林傲然
遂獨往長嘯開巖扉林壑久已蕪石道生薔薇願言弄
笙鶴歲晚來相依

江夏別宋之悌

楚水清若空遙將碧海通人分千里外興在一杯中谷
鳥吟晴日江猿嘯晚風平生不下淚於此泣無窮

唐詩卷九十九

李翰林送

南陽送客

斗酒勿為薄寸心貴不忘坐惜故人去偏令遊子傷離
顏怨芳草春思結垂楊揮手再三別臨岐空斷腸

送張舍人之江東

張翰江東去正值秋風時天清一鴈遠海闊孤帆遲白
日行欲暮滄波杳難期吳洲如見月千里幸相思

李翰林送

卷九十九

一

送王屋山人魏萬還王屋 并序

王屋山人魏萬云自嵩宋沿吳相訪數千里不遇
乘興遊台越經永嘉觀謝公石門後於廣陵相見
美而愛文好古浪跡方外因述其行而贈是詩作一

見王屋山人魏萬云自嵩歷堯遊梁入吳計程三
千里相訪不遇因下江東尋諸名山往復百越後
於廣陵一面遂乘興共過金陵此公愛
奇好古獨出物表因述其行李遂有此作

僊人東方生浩蕩弄雲海沛然乘天遊獨往失所在魏
侯繼大名本家聊攝城卷舒入元化跡與古賢并十三

一作東方不
海時人少相

家獨訪紫泥
往往失所在

弄文史揮筆如振綺辯折田巴生心齊魯連子西涉清
洛源頗驚人世喧采秀卧王屋因窺洞天門竭來遊嵩
峰羽客何雙雙朝携月光子暮宿玉女牕鬼谷工窈窕
龍潭下奔激東浮汴河水訪我三千里逸興滿吳雲飄
飄淝江汜揮手抗越間樟亭望潮還濤卷海門石雲橫
天際山白雪走素車雷奔駭心顏遙聞會稽美且度耶
溪水萬壑與千巖崢嶸鏡湖裏秀色不可名清輝滿江
城人遊月邊去舟在空中行此中久延佇入剡尋王許

笑讀曹娥碑沈吟黃絹語天台連四明日入向國清五
峰轉月色百里行松聲靈溪沿越華頂殊超忽石梁
橫青天側足履半月眷然思永嘉不憚海路賒掛席歷
海嶠迴瞻赤城霞赤城漸微沒孤嶼前峽兀水續萬古
流亭空千霜月縉雲川谷難石門最可觀瀑布掛北斗
莫窮此水端噴壁洒素雪空濛生晝寒却思惡溪去寧
懼惡溪惡咆哮七十灘水石相噴薄路創李北海巖開
謝康樂松風和猿聲搜索連洞壑徑出梅花橋雙溪納

歸潮落帆金華岸赤松若可招沈約八詠樓城西孤岩
堯岩堯四荒外曠望羣川會雲卷天地開波連浙西大
亂流新安口北指嚴光瀨釣臺碧雲中邈與蒼嶺對稍
稍來吳都徘徊上姑蘓煙綿橫九疑漭蕩見五湖目極
心更遠悲歌旦長吁迴梳楚江濱揮策揚子津身著日
本裘昂藏出風塵五月造我語知非佞一作儼人相逢樂無
限水石日在眼徒干五諸侯不致百一作金產吾友揚子雲
絃歌播清芬雖為江寧宰好與山公羣乘興但一行且

知我愛君君來幾何時
僊臺應有期東窻綠玉樹定長
三五枝至今天壇人當笑爾歸
遲我苦惜遠別茫然使
心悲黃河若不斷白首長相思

送當塗趙少府赴長蘆

我來揚都市送客回輕舸
因誇楚太子便覩廣陵濤
仙尉趙家玉英風凌四豪
維舟至長蘆目送烟雲高
搖扇對酒樓持袂把蟹螯
前途儻相思登嶽一長謔

送友人尋越中山水

聞道稽山去偏宜謝客才
千巖泉灑落萬壑樹縈迴
東海橫秦望西陵逸越臺
湖清雙鏡曉濤白雪山來
八月枚乘筆三吳張翰杯
此中多逸興早晚向天台

送族弟凝之滁求婚崔氏

與爾情不淺忘筌已得魚
玉臺掛寶鏡持此意何如
坦腹東牀下由來志氣踈
遙知向前路擲果定盈車

送友人遊梅湖

送君遊梅湖應見梅花發
有使寄我來無令紅芳歇
暫

行新林浦定醉金陵月莫惜一鴈書音塵坐胡越

送崔十二遊天竺寺

還聞天竺寺夢想懷東越每年海樹霜桂子落秋月送
君遊此地已屬流芳歇待我來歲行相隨浮溟渤

送楊山人歸天台

客有思天台東行路起忽濤落浙江秋沙明浦陽月今
遊方厭楚昨夢先歸越且盡秉燭歡無辭凌晨發我家
小阮賢剖竹赤城邊詩人多見重官燭未曾然興引登

山屐情催泛海船石橋如可度携手弄雲煙

送溫處士歸黃山白鷺峰舊居

黃山四千仞三十二蓮峯丹崖夾石柱齒齒金芙蓉伊
昔昇絕頂下窺天目松仙人鍊玉處羽化留餘蹤亦聞
溫伯雪獨往今相逢採秀辭五岳攀巖歷萬重歸休白
鵝嶺渴飲丹砂井鳳吹我時來雲車爾當整去去陵陽
東行行芳桂叢迴溪十六度碧嶂盡晴空他日還相訪
乘橋躡絳虹

送方士趙叟之東平

長桑晚洞視五藏無全牛趙叟得秘訣還從方士遊西
過獲麟臺為我弔孔丘念別復懷古潛然空淚留流

送韓準裴政孔巢父還山

魯中

獵客張兔且不能掛龍虎所以青雲人一作高歌在巖戶韓
生信英彥裴子含清真孔侯復秀出俱與雲霞親峻節
凌遠松同衾卧盤石斧冰嗽寒泉三子同二屐時時或
乘興往往雲無心出山揖牧伯長嘯輕衣簪昨宵夢裡

還云弄竹溪月今晨魯東門帳飲與君別雪崖滑去馬
蘿徑迷歸人相思若煙草歷亂無冬春

送楊少府赴選

大國置衡鏡準平天地心羣賢無邪人朗鑒窮情深吾
君詠南風袞冕彈鳴琴時泰多美士一作京國會一作纓簪山苗
落澗底幽松出高岑夫子有盛才主司得球琳流水非
鄭曲前行遇知音衣工剪綺繡一悞傷千金何惜刀尺
餘不裁寒女衾我非彈冠者感別但開襟空谷無白駒

賢人豈悲吟大道安棄物時來或招尋爾見山吏部當
應無陸沉

對雪奉餞任城六父秘滿歸京

龍虎謝鞭策鷓鸞不司晨君看海上鶴何似籠中鷄獨
用天地心浮雲乃吾身雖將簪組狎若與烟霞親季父
有英風白眉超常倫一官即夢寐脫屣歸西秦竇公敬
華筵墨客盡來臻燕歌落胡鴈郢曲迴陽春征馬百度
嘶遊車動行塵躊躇未忍去戀此四座人餞離駐高駕

惜別空殷勤何時竹林下更與步兵鄰

魯郡堯祠送吳五之瑯琊

堯沒三千歲青松古廟存送行奠桂酒拜舞清心魂日
色促歸人連歌倒芳樽馬嘶俱醉起分手更何言

魯郡堯祠送竇明府薄華還西京

時久病
初起作

時久病初起作

朝策犁眉騮舉鞭力不堪強扶愁疾向何處角巾微服
堯祠南長楊掃地不見日石門噴作金沙潭笑誇故人

指絕境山光水色青於藍廟中往往來擊鼓堯本無心
爾何苦門前長晚雙石人有女如花日歌舞銀鞍繡轂
往復迴簸林蹶石鳴風雷遠煙空翠時明滅白鷗歷亂
長飛雪紅泥亭子赤闌干碧流環轉青錦湍溪沈百丈
洞海底那知不有蛟龍蟠君不見綠珠潭水流東海綠
珠紅粉沈光彩綠珠樓下花滿園今日曾無一枝在昨
夜秋聲闐闐來洞庭水落騷人衰遂將三五少年輩登
高遠望形神開生前一笑輕九鼎魏武何悲銅雀臺我

歌白雲倚牕牖爾聞其聲但揮手長風吹月度海來遙
勸僊人一杯酒酒中樂酣宵向分舉觴酌堯堯可聞何
不令臯繇擁篲橫八極直上青天揮一作浮雲高陽小飲真
瑣瑣山公酩酊何如我竹林七子去道賒蘭亭雄筆安
足誇堯祠笑殺五湖水至今顛悴空荷花爾向西秦我
東越暫向瀛洲訪金闕藍田太白若可期為余灑掃石
上月

金鄉送韋八之西京

唐詩
客自長安來還歸長安去狂風吹我心西掛咸陽樹此
情不可道此別何時遇望望不見君連山起烟霧

送薛九被讒去魯

宋人不辨玉魯賤東家丘我笑薛夫子胡為兩地遊黃
金消衆口白璧竟難投梧桐生蒺藜綠竹乏佳實鳳凰
宿誰家遂與羣鷄匹田家養老馬窮士歸其門蛾眉笑
覽者賓客去平原却斬美人首三千還駿奔毛公一提
劍楚趙兩相存孟嘗悅狡兔三窟賴馮諼信陵奪兵符

為用侯生言春申一何愚刎首為李園賢哉四公子撫
掌黃泉裏借問笑何人笑人不好士爾去且勿誼桃李
竟何言沙丘無漂母誰肯飯王孫

單父東樓秋夜送族弟沈之秦

時擬弟
一作南東時
擬弟在席

爾從咸陽來問我何勞苦沐猴而冠不足言身騎土牛
滯東魯沈弟欲行疑弟留孤飛一雁秦雲秋坐來黃葉
落四五北斗已掛西城樓絲桐感人絃亦絕滿堂送君
皆惜別卷簾見月清興來疑是山陰夜中雪明日斗酒

別惆悵清路塵遙望長安日不見長安人長安宮闕九
天上此地曾經為近臣一朝復一朝髮白心不改屈原
憔悴滯江潭亭伯流離放遼海折翮翻飛隨轉蓬聞弦
虛墜下霜空聖朝久棄青雲士他日誰憐張長公

送族弟凝至晏堏

單父三十里

雪滿原野白戎裝出盤遊揮鞭布獵騎四顧登高丘
兔起馬足間蒼鷹下平時喧呼相馳逐取樂銷人憂捨此
戒禽荒微聲列齊謳鳴雞發晏堏別雁驚寒溝西行有

東音寄與長河流

魯城北部曲膏桑下送張子還嵩陽

送別枯桑下凋葉落半空我行情道遠爾獨知天風誰
念張仲蔚還依蒿與蓬何時一杯酒更與李膺同



Blank space for the main text of the page, containing faint bleed-through from the reverse side.

唐詩卷一百

李翰林送

送魯郡劉長史遷弘農長史

魯國一杯水難容橫海鱗仲尼且不敬況乃尋常人白
玉換斗粟黃金買尺薪閉門木葉下始覺秋非春聞君
向西遷地即鼎湖鄰寶鏡匣蒼蘚丹經理素塵軒后上
天時攀龍遺小臣及此留惠愛庶幾風化淳魯縞如白
烟五縑不成束臨行贈貧交一尺重山岳相國齊晏子



贈行不及言託陰當樹李忘憂當樹萱他日見張祿緜
袍懷舊恩

送族弟單父主簿凝攝宋城主簿至郾南月橋
却迴棲霞山留飲贈之

吾家青萍劍操割有餘閒往來糾二邑此去何時還鞍
馬月橋南光輝岐路間賢豪相追餞却到棲霞山羣花
散芳園斗酒開離顏樂酣相顧起征馬無由攀

魯郡東石門送杜二甫

醉別復幾日登臨徧池臺何時石門路重有金樽開秋
波落泗水海色明徂徠飛蓬各自遠且盡手中杯

魯郡堯祠送張十四遊河北

猛虎伏尺草雖藏難蔽身有如張公子翫麟在風塵豈
無橫腰劍屈彼淮陰人擊筑向北燕燕歌易水濱歸來
太山上當與爾為鄰

杭州送裴大澤時赴廬州長史

栗中

西江天柱遠東越海門深去割慈親戀行憂報國心好

風吹落日流水引長吟五月披裘者應知不取金

灞陵行送別

送君灞陵亭灞水流浩浩上有無花之古樹下有傷心
之春草我向秦人問路岐云是王粲南登之古道古道
連綿走西京紫闕落日浮雲生正當今夕斷腸處黃鸝
愁絕不忍聽

送賀監歸四明應制

久辭榮祿遂初衣曾向長生說息機真訣自從茅氏得

息波塵阻洞庭歸瑤臺含霧星辰滿仙嶠浮空島嶼微
借問欵棲珠樹鶴何年却向帝城飛

送竇司馬貶宜春

天馬白銀鞍親承明主歡闈雞金宮裏射鴈碧雲端堂
上羅中貴歌鐘清夜闌何年謫南國拂劍坐長歎趙璧
為誰點隋珠枉被彈聖朝多雨露莫厭此行難

送羽林陶將軍

將軍出使擁樓船江上旌旗拂紫煙萬里橫戈探虎穴

唐詩
三杯拔劍舞龍泉莫道詞人無膽氣臨行將贈統朝鞭
送程劉二侍郎兼獨孤判官赴安西幕府

安西幕府多材雄喧喧惟道三數公繡衣貂裘明積雪
飛書走檄如飄風朝辭明主出紫宮銀鞍送別金城空
天外飛霜下蔥海火旗雲馬生光彩胡塞清塵幾日歸
漢家草綠遙相待

送姪良携二妓赴會稽戲有此贈

攜妓東山去春光半道催遙看若桃李雙入鏡中開

送賀賓客歸越

鏡湖流水漾清波狂客歸舟逸興多山陰道士如相見
應寫黃庭換白鷺

送張遙之壽陽幕府

壽陽信天險天險橫荆關苻堅百萬衆遙阻八公山不
假築長城大賢在其間戰夫若熊虎破敵有餘閑張子
勇且英少輕衛霍屨投軀紫髯將千里望風顏勗爾効
才略功成衣錦還

送裴十八圖南歸嵩山二首

何處可為別長安青綺門胡姬招素手一作留客醉金樽臨
當上馬時我獨與君言風吹芳蘭折日沒鳥雀喧舉手
指飛鴻此情難具論同歸無蚤晚潁川有清源

君思潁水綠忽復歸嵩岑歸時莫洗耳為我洗其心洗
心得真情洗耳徒買名謝公終一起相與濟蒼生

同王昌齡送族弟襄歸桂陽二首

一作同王昌齡崔國輔送李舟歸郴州

秦地見碧草楚謠對清樽把酒爾何思鷓鴣啼南園余

欲羅浮隱猶懷明主息躊躇紫宮戀孤負滄洲言終然
無心雲海上同飛翻相期乃不淺幽桂有芳根

爾家何在瀟湘川青莎白石長江邊昨夢江花照江國
幾枝正發東臆前覺來欲往心悠然魂隨越鳥飛南天
秦雲連山海相接桂水橫煙不可涉送君此去令人愁
風帆茫茫隔河洲春潭瓊草綠可折西寄長安明月樓

送外甥鄭灌從軍三首

六博爭雄好彩來金盤一擲萬人開丈夫賭命報天子

當斬胡頭衣錦回

丈八蛇矛出隴西
彎弧拂箭白猿啼
破胡必用龍韜策
積甲應將熊耳齊

月蝕西方破敵時
及瓜歸日未應遲
斬胡血變黃河水
梟首當懸白鵠旗

送于十八應四子舉落第還嵩山

吾祖吹簫籥天人信
森羅歸根復太素
群動熙元和炎
炎四真人擒辯若濤波
交流無時寂揚墨日成科
夫子

聞洛誦誇才才故多
為金好踊躍久客方
嗟跼道可東
賈之五寶溢山河
勸君還嵩丘
開酌盼庭柯
三花如未
落乘興一來過

送別

尋陽五溪水
汭直入巫山
裏勝境由來人
共傳君到
南中自稱美
送君別有八月
秋颯颯蘆花復
益愁雲帆
望遠不相見
日暮長江空
自流

送族弟綰從軍安西

漢家兵馬乘北風，鼓行而西破犬戎。
爾隨漢將出門去，剪虜若草收奇功。
君王按劍望邊色，旄頭已落胡天空。
匈奴繫頸數應盡，明年應入蒲萄宮。

送梁公昌從信安北征

入幕推英選，捐書事遠戎。
高談百戰術，鬱作萬夫雄。
起舞蓮花劍，行歌明月旂。
將飛天地陣，兵出塞垣通。
祖席留丹景，花麾拂彩虹。
旋應獻凱入，麟閣佇深功。

送白利從金吾董將軍西征

西羌延國討，白起佐軍威。
劍決浮雲氣，弓彎明月輝。
馬行邊草綠，旌卷曙霜飛。
抗手凜相顧，寒風生鐵衣。

送張秀才從軍

六駁食猛虎，恥從駑馬羣。
一朝長鳴去，矯若龍行雲。
壯士懷遠略，志存解世紛。
周粟猶不顧，齊珪安肯分。
抱劍辭高堂，將投崔冠軍。
長策掃河洛，寧親歸汝墳。
當令千古後，麟閣著奇勳。

送崔度還吳

度故人禮部員外輔國之子

幽燕沙雪地萬里盡黃雲朝吹歸秋雁南飛日幾羣中
有孤鳳雛哀鳴九天聞我乃重此烏絲章五色分胡為
雜九禽雞鷺輕賤君舉手捧爾足疾心若火焚拂羽淚
滿面送之吳江瀆去影忽不見躊躇日將曛

送祝八之江東賦得浣紗石

西施越溪女明艷光雲海未入吳王宮殿時浣紗古石
今猶在桃李新開映古查菖蒲猶短出平沙昔時紅粉
照流水今日青苔覆落花君去西秦適東越碧山青江

幾起忽若到天涯思故人浣紗石上窺明月

送侯十一

梁宋

朱亥已擊晉侯羸尚隱身時無魏公子豈貴抱關人余
亦不火食遊梁同在陳空餘湛盧劍贈爾託交親

魯中送二從弟赴舉之西京

再至魯中
作送族弟錕

魯客向西笑君門若夢中霜凋逐臣髮日憶明光宮復
羨二龍去才華冠世雄平衡騁高足逸翰凌長風舞袖
拂秋月歌遙聞蚤鴻送君日千里良會何由同

奉餞高尊師如貴道士傳道錄畢歸北海 齊州

道隱不可見靈書藏洞天吾師四萬劫歷世進相傳別
杖留青竹行歌躡紫烟離心無遠近長在玉京懸

金陵送張十一再遊東吳 金陵

張翰黃花句風流五百年誰人今繼作夫子世稱賢再
動游吳棹還浮入海船春光白門柳霞色赤城天去國
難為別思歸各未旋空餘賈生淚相顧共悽然

送紀秀才遊越

海水不滿眼觀濤難稱心即知蓬萊石却是巨鰲簪送
爾遊華頂令余發鳥吟仙人居射的道士住山陰禹穴
尋溪入雲門隔嶺深綠蘿秋月夜相憶在鳴琴

送長沙陳太守二首

長沙陳太守逸氣凌青松英主賜五馬本是天池龍湘
水迴九曲衡山望五峯榮君按節去不及遠相從
七郡長沙國南連湘水濱定一作垂舞袖地窄不迴身莫
小二千石當安遠俗人洞庭鄉路遠遙羨錦衣春

送楊燕之東魯

關西楊伯起漢日舊稱賢四代三公族一作五清風播人天夫子華陽居開門對玉蓮何事歷衡霍雲帆今始還君坐稍解顏為我歌此篇我固侯門士謬登聖主筵一辭金華殿躑躅長江邊二子魯門東別來已經年因君此中去不覺淚如泉

送蔡山人

我本不棄世世人自棄我一乘無倪舟八極縱遠拖燕

客期躍馬唐生安敢譏採珠勿驚龍大道可暗歸故山有松月遲爾翫清暉

送蕭三十一之魯中兼問稚子伯禽

六月南風吹白沙吳牛喘月氣成霞水國鬱蒸不可處時炎道遠無行車夫子如何涉江路雲帆嫋嫋金陵去高堂倚門望伯魚魯中正是趨庭處我家寄在沙丘傍三年不歸空斷腸君行既識伯禽子應駕小車騎白羊送楊山人歸嵩山

我有萬古宅嵩陽玉女峰長留一片月挂在東溪松爾
去掇仙草嘗蒲花紫茸一作君行到此
峯餐霞駐衰容歲晚或相訪青
天騎白龍

送殷淑三首

海水不可解連江夜為潮俄然浦嶼濶岸去酒船遙惜
別耐取醉鳴榔且長謠天明爾當去應便有風飄
白鷺洲前月天明送客回青龍山後日早出海雲來流
水無情去征帆逐吹開相看不忍別更進手中盃

痛飲龍筇下燈青月復寒醉歌驚白鷺半夜起沙灘

送岑徵君歸鳴皋山

岑公相門子雅望歸安石奕世皆夔龍中台竟一作
有三

拆至人達機兆高揖九州伯奈何天地間而作隱淪客

貴道能一作
皆全真潛輝卧幽鄰探元入宵默觀化游無

垠光武有天下嚴陵為故人雖登洛陽殿不屈巢由身

余亦謝明主今稱偃蹇臣登高覽萬古思與廣成鄰蹈

海寧受賞還山非問津西來終期一搖扇共拂元規塵

送范山人歸太山

魯客挹白鶴

雞一作

別余往太山初行若片雲

一作

香在

青崖間高高至天門日觀

海一作

近可攀雲山望不及此

去何時還

唐詩卷一百一

李翰林送

送韓侍御之廣德

昔日繡衣何足榮今宵賞酒與君傾暫就東山賒月色

酣歌一夜送泉明

白雲歌送友人

楚山秦山多白雲白雲處處長隨君君今還入楚山裏
雲亦隨君渡湘水水上女蘿衣白雲早卧早行君早起

此首已見前此處刪

送通禪師還南陵隱靜寺

我聞隱靜寺山水多奇蹤
巖種朗公橋門深杯渡松道
人制猛虎振錫還孤峰他日南陵下相期谷口逢

送友人

青山橫北部白水遶東城
此地一為別孤蓬萬里征
浮雲遊子意落日故人情
揮手自茲去蕭蕭班馬鳴

送別

斗酒渭城邊壚頭醉不眠
梨花千樹雪楊葉萬條烟
惜

別傾壺醕臨分贈馬鞭
看君頰上去新月到應圓

江上送女道士褚三清遊南嶽

吳江女道士頭戴蓮花巾
霓衣不濕雨特異陽臺雲足
下遠遊履凌波生素塵
倦尋向南嶽應見魏夫人

送友人入蜀

見說蠶叢路崎嶇不易行
山從人面起雲傍馬頭生
芳樹籠秦棧春流遶蜀城
升沉應已定不必問君平

送李青歸南葉陽川

伯陽僊家子容色如青春日月秘靈洞雲霞辭世人化
心養精魄隱几宵天真莫作千年別歸來城郭新

送舍弟

吾家白額一作馬駒遠別臨東道他日相思一夢君應得

池塘生春草

送別得書字

水色南天遠舟行若在虛遷人散佳興吾子訪間居日
落看歸鳥潭澄羨一作憐躍魚聖朝思買誼應降紫泥書

送麴十少府

試發清秋興因為吳會吟碧雲歛海色流水折江心我
有延陵劍君無陸賈金艱難此為別惆悵一何深

送張秀才謁高中丞新陽

余時繫潯陽獄中正讀留侯傳秀才張孟熊蘊滅
胡之策將之廣陵謁高中丞余喜子房之風感激
于斯人因作是詩以送之

秦帝淪玉鏡一作六雄留侯降氛氲感激黃石老經過

滄海君壯士揮金槌報讐六國聞智勇冠終古蕭陳難
與羣西龍爭鬪時天地動風雲酒酣一作縱橫舞長劍倉卒
解漢紛宇宙初倒懸鴻溝勢將分英謀信奇絕夫子揚
清芬一作夫子稱卓絕超然繼清芬胡月入紫微三光亂天文高公鎮
淮海談笑却妖氛採爾幕中畫戡難光殊勲我無燕霜
感玉石俱燒焚但灑一行淚臨歧竟何云

潯陽送弟昌峒鄱陽司馬作

桑落洲渚連滄江無雲烟潯陽非剡水忽見子猷船飄

然欲相近來遲杳若仙人乘海上月帆落湖中天一觀
無二諾朝權更勝昨爾則吾惠連吾非爾康樂朱紱白
銀章上官佐鄱陽松門拂中道石鏡迴清光搖扇及干
越水亭風氣涼與爾期此亭期在秋月滿時過或未來
兩鄉心已斷吳山對楚岫彭蠡當中州相思定如此有
窮盡年愁

餞校書叔雲

少年費白日歌笑矜朱顏不知忽已老喜見春風還惜

別且為歡徘徊苑李間看花飲美酒聽鳥臨晴山向晚
竹林寂無人空閉關

送王孝廉覲省 盧江

彭蠡將天合姑蘓在日邊寧親候海色欲動孝廉船窈
窕晴江轉參差遠岫連相思無晝夜東泣似長川

同吳王送杜秀芝舉入京

秀才何翩翩王許回也賢暫別廬江守將遊京兆天秋
山宜落日秀水出寒烟欲折一枝桂還來雁沼前

洞庭醉後送絳州呂使君果流澧州 江夏

昔別若夢中天涯忽相逢洞庭破秋月縱酒開愁容贈
劍刻玉字延平兩蛟龍送君不盡意書及鴈迴峯

與諸公送陳郎將歸衡陽 并序

仲尼旅人文王明夷苟非其時聖賢低眉况僕之
不肖者而遷逐枯槁固非其宜朝心不開暮髮盡
白而登高送遠使人增愁陳郎將義風凜然英思
逸發來下曹城之榻去邀才子之詩動清興於中

流泛素波而徑去諸公仰望不及連章祖之序慚
起予輒冠名賢之首作者嗤我乃為撫掌之資乎
衡山蒼蒼入紫冥下看南極老人星迴颯吹散五峰雪
往往飛花落洞庭氣清嶽秀有如此即將一家拖金紫
門前食客亂浮雲世人皆比孟嘗君江上送行無白壁
臨歧惆悵若為分

送趙判官赴黔府中丞叔幕

廓落青雲心交結黃金盡富貴翻相忘令人忽自哂贈

澄鬢毛斑盛時難再還巨源咄石生何事馬蹄間綠蘿
長不厭却欲還東山君為魯曾子拜揖高堂裏叔繼趙
平原偏承明主恩風霜摧獨坐旌節鎮雄藩虎士秉金
鉞蛾眉開玉樽才高幕下去義重林中言水宿五溪月
霜啼三峽猿東風春草綠江上候歸軒

送陸判官往琵琶峽

水國秋風夜殊非遠別時長安如夢裏何日是歸期

送梁四歸東平

玉壺挈美酒送別強為歡
大火南星月長郊北路難
殷王期負鼎汶水起垂竿
莫學東山卧參差老謝安

江夏送友人

雪點翠雲裘送君黃鶴樓
黃鶴振玉羽西飛帝王州
鳳無琅玕實何以贈遠遊
徘徊相顧影淚下漢江流

送都昂謫巴中

瑤草寒不死移植滄江濱
東風灑雨露會入天地春
予若洞庭葉隨波送逐臣
思歸未可得書此謝情人

江夏送張丞

欲別心不忍臨行情更親
酒傾無限月客醉幾重春
藉草依流水攀花贈遠人
送君從此去迴首泣迷津

賦得白鷺鷥送宋少府入三峽

白鷺拳一足月明秋水寒
人驚遠飛去直向使君灘

送二季之江東

初發強中作題詩與惠連
多慚一日長不及二龍賢
西塞當中路南風欲進船
雲峯出遠海帆影挂清川
禹穴

藏書地匡山種杏田此行俱有適遲爾早歸旋

江西送友人之羅浮南昌

桂水分五嶺衡山朝九疑鄉關渺安西流浪將何之素
色愁明湖秋渚晦寒姿疇昔紫芳意已過黃髮期君王
縱踈散雲壑借巢夷爾去之羅浮我還憇峨眉中閣道
萬里霞月遥相思如尋楚狂子瓊樹有芳枝

宣州謝朓樓餞別校書叔雲一作倍侍御
叔華登樓歌

棄我去者昨日之日不可留亂我心者今日之日多煩

憂長風萬里送秋雁對此可以酣高樓蓬萊文章建安

骨中間小謝又清發俱懷逸興壯思飛欲上青天覽日

月抽刀斷水水更流舉杯銷愁愁更復一作愁人生
男兒

在世不稱意明朝散髮弄扁舟一作舉棹
還滄洲

宣城送劉副使入秦

君即劉越石雄豪冠當時淒清橫吹曲慷慨扶風詞虎

嘯侯騰躍鷄鳴遭亂離千金市駿馬萬里逐王師結交

樓煩將侍從羽林兒統兵捍吳越豺虎不敢窺大勳竟

莫叙已過秋風吹秉鉞有季公凜然負英姿寄深且戎
幕望重必台司感激一然諾縱橫兩無疑伏奏歸北闕
鳴騶忽西馳列將咸出租英寮惜分離斗酒滿四筵歌
嘯宛溪湄君携東山妓我詠北門詩貴賤交不易恐傷
中園葵昔贈紫駟駒今傾白玉卮同歡萬斛酒未足解
相思此別又千里一作此外秦吳渺天涯月明關山苦
水劇隴頭悲借問幾時還春風入黃池無令長相思折
斷綠楊枝

涇川送族弟錞

涇川三百里若耶羞見之錦石照碧山西邊白鷺鷥佳
境千萬曲客行無歇時上有琴高水下有陵陽祠仙人
不見我明月空相知問我何事來盧敖結幽期蓬山振
雄筆繡服揮清詞江湖發秀色草木含榮滋置酒送惠
連吾家稱白眉愧無海嶠作敢闕河梁詩見爾復幾朝
俄然告將離中流漾彩鷁列岸叢金羈歎息蒼梧鳳分
棲瓊樹枝清晨各飛去飄落天南垂望極落日盡秋深

暝猿悲寄情與流水但有長相思

五松山送殷淑

秀色發江左風流奈若何仲文了不還獨立揚清波載
酒五松山積然白雲歌中天度落月萬里遙相過撫酒
惜以月流光畏蹉跎明日別離去連峰鬱嵯峨

送崔氏昆季之金陵

一作秋夜崔氏
大小亭送別

放一作吳歌倚東樓行子期晚發秋風渡江來吹落山上
月主人出美酒滅燭延清光二崔向金陵安得不盡觴

水客弄歸棹雲帆卷輕霜扁舟敬亭下五兩先飄揚峽
石入水花碧流日更長思君無歲月西笑阻河梁

登黃山凌敲臺送族弟溧陽尉濟充泛舟赴華

陰得字

鸞乃鳳之族翱翔紫雲霓文章輝五色雙在瓊樹棲一
朝各飛去鳳與鸞俱啼炎赫五月中朱曦爍河堤爾從
泛舟役使我心魂悽秦地無草木南雲喧鼓鼙君王減
玉膳早起思鳴鷄漕引救關輔疲人免塗泥宰相作霖

雨農夫得耕犁靜者伏草間羣才滿金閨空手無壯士
窮居使人低送君登黃山長嘯倚上一作天梯小舟若鳧
鴈大舟若鯨鯢開帆散長風舒卷與雲齊日入牛渚晦
蒼然夕烟迷相思在作何許一作杳在洛陽西

送儲邕人之武昌

黃鶴西樓月長江萬里情春風三十度空憶武昌城送
爾難為別銜杯惜未傾湖連張樂地山逐泛舟行諾為
楚人重詩傳謝眺清滄浪吾有曲寄入棹歌聲

唐詩卷一百二

李翰林訓答

訓談少府

集漢

一尉居候忽梅生有僊骨三事或可羞匈奴晒千秋壯
心屈黃綬浪跡寄滄洲昨觀荆峴作如從雲漢遊老夫
當暮矣蹠足懼驂騑

訓宇文少府見贈桃竹書筒

桃竹書筒綺繡文良工巧妙稱絕羣靈心圓映三江月

彩質疊成五色雲中藏寶訣峨眉去千里提携長憶君

五月東魯行答汶上君

五月梅始一作子黃蠶凋桑柘空魯人重織作機杼鳴簾

攏顧余不及仕學劍來山東舉鞭訪前途獲笑汶上翁

下愚忽壯士未足論窮通我以一箭書能取聊城功終

然不受賞羞與時人同西歸去直道落日昏陰虹此一作

我去爾勿言其心如轉蓬

早秋單父南樓酬竇公衡

白露見日滅紅顏隨霜凋別君若俯仰春芳辭秋條泰

山嵯峨夏雲在疑是白浪漲東海散為飛雨川上來遙

帷却卷清浮埃知君獨坐青軒下此時結念同所懷我

閉南樓看道書幽簾清寂在仙居曾無好事來相訪賴

爾高文一起予

山中問答

問余何意一作事栖碧山笑而不荅心自閑桃花流水宵

然去別有天地非人間

答友人贈烏紗帽

領得烏紗帽全勝白接羅山人不照鏡稚子道相宜

訓張司馬贈墨

上黨碧松烟夷陵丹砂末蘭麝凝珍墨精光乃堪掇黃
頭奴子雙鴉鬟錦囊養之懷袖間今日贈予蘭亭去興
來灑筆會稽山

答湖州迦葉司馬問白是何人

青蓮居士謫仙人酒肆藏名三十春湖州司馬何須問

金粟如來是後身

答長安崔少府叔封遊終南翠微寺太宗皇帝

金沙泉見寄

河伯見海若傲然誇秋水小物昧遠圖寧知通方士多
君紫霄意獨往蒼山裏地古寒雲深巖高長風起初登
翠微嶺復憇金沙泉踐苔朝霜滑弄波夕月圓飲彼石
下流結蘿宿溪煙鼎湖夢淥水龍駕空一作何茫然早行

子午關

一作間

又作峯 卻登山路遠

一作却歎山路遠

又作頗識閑路遠

拂琴聽

此崔宗之詩剛

霜猿滅燭乃星飯人煙無明異鳥道絕往返攀崖倒青

天下視白日晚既過一作過石門隱還唱一作聞石潭歌涉

雪寧紫芳一作採濯纓想一作掬清波此人不可見此地

君自過為余謝風泉其如幽意何

贈李十二左司郎中崔宗之

涼秋八九月白露空園亭耿耿意不暢梢梢一作梢梢風葉

聲思見雄俊士共話今古情李侯忽來儀把袂苦不早

清論既抵掌玄談又絕倒分明楚漢事歷歷王伯道擔

囊無俗物訪古千里餘袖有七首劍懷中茂陵書雙眸

光照人詞賦凌子虛酌酒絃素琴霜氣正凝潔平生心

中事今日為君說我家有別業寄在嵩之陽明月出高

岑清溪澄素光雲散窻戶靜風吹松桂香子若同斯遊

千載不相忘

訓崔五郎中

朔雲橫高天萬里起秋色壯士心飛揚落日空嘆息長

笑出原野凜然寒風生幸遭聖明時功業猶未成奈何

懷良圖鬱悒獨愁坐獨坐杖策尋英豪立談乃知我崔公生
民秀緬邈青雲姿制作參造化託諷含神祇海嶽尚可
傾吐諾終不移是時霜飈寒逸興臨華池起舞拂長劍
四座皆揚着因得窮懽情贈我以新詩又結汗漫期九
垓遠相待舉身懋蓬壺濯足弄滄海從此凌倒景一去
無時還朝遊明光宮暮入閭闔關但得長把袂何必嵩
丘山

以詩代書答元丹丘

青鳥

一作鳥

海上來今朝發何處口銜雲錦字

一作書

與我

忽飛去鳥去凌紫烟書留綺窓前開緘方一作時一笑乃

是故人傳故人深相勗憶我勞心曲離居在咸陽三見

秦草綠置書雙袂間引領不暫閑長望一作歎香難見浮

雲橫遠山

金門答蘓秀才

君還石門日朱火始改木春草如有情山中尚含綠折
芳愧遙憶永路當自勗遠見故人心平生以此足巨海

納百川麟閣多才賢獻書入金闕酌醴奉瓊筵屢忝白
雲唱恭聞黃竹篇恩光照拙薄雲漢希騰遷銘鼎倘云
遂扁舟方渺然我留在金門君去卧丹壑未果三山期
遙欣一丘樂玄珠寄象因赤水非寥廓願狎東海鷗共
營西山藥栖巖君迹滅處世余龍蠖良辰不同賞永日
應閑居鳥吟簷間樹花落窓下書綠溪見綠篠隔岫窺
紅葉採薇行笑歌眷我情何已月出石鏡間松鳴風琴
裏得心自虛妙外物空顏靡身世如西忘從君老煙水

訓坊州王司馬與閻正字對雪見贈

原右

遊子東南來自宛適京國飄然無心雲倏忽復西北訪
戴昔未偶尋秘此相得愁顏發新懽終宴叙前識閻公
漢庭舊沉鬱富才力價重銅龍樓聲高重門側寧期此
相遇華館陪遊息積雪明遠峰寒城鎖春色主人蒼生
望假我青雲翼風水如見資投竿佐皇極

訓中都小吏携斗酒雙魚於逆旅見贈

魯酒若琥珀

一作琥珀色

汶魚紫錦鱗山東豪吏有俊氣手

携一作此物贈遠人意氣相傾兩相顧斗酒雙魚表情
素雙鯉素雙鯉呀呷鱗鬣張趺刺銀盤欲飛去呼兒拂机霜刃
揮紅朶花落白雪霏為君下筭一餐飽一作罷醉著金鞍
上馬歸

訓張卿夜宿南陵見贈

月出魯城東明如天上雪魯女驚莎鷄鳴雞應秋節當
君相思夜火落金風高河漢掛戶牖欲濟無輕舸我昔
辭林丘雲龍忽相見客星動太微朝去洛陽殿爾來得

茂彥七葉仕漢餘身為下邳客家有圮橋書傳說未夢
時終當起叢野萬古騎辰星光輝照天下與君各未遇
長策委蒿萊寶刀隱玉匣繡澀空莓苔遂令世上愚輕
我土與灰一朝攀龍去鼃黽安在哉故山定有酒與爾
傾金壘

訓岑勛見尋就元丹丘對酒相待以詩見招

黃鶴東南來寄書寫心曲倚松開其緘憶我腸斷續不
以千里遥命駕來相招中逢元丹丘登嶺宴碧霄對酒

忽思我長嘯臨清飈
蹇予未相知茫茫綠雲垂
俄然素書及解此長渴
饑策馬望山月途窮造
階墀喜此一會面若覩
瓊樹枝憶君我遠來我
懽方速至開顏酌美酒
樂極忽成醉我情既不
淺君意方亦深相知兩
相得一顧輕千金且向
山客咲與君論素心

答從弟幼成過西園見贈

一身自瀟灑萬物何囂
諠拙薄謝明時棲閑歸
故園二季過舊壑四鄰
馳華軒衣劍照松宇賓
徒光石門山童

薦珍果野老開芳樽上
陳樵漁事下叙農圃言
昨來荷花滿今見蘭苕
繁一笑復一歌不知夕
景昏醉罷同所樂此情
難具論

謝王補闕惠翼莊廟宋丞泚贈別

學道三千春自言義和
人軒蓋宛若夢雲松長
相親偶將二公合復與
三山鄰喜結海上契自
為天外賓鸞翮我先鍛
龍性君莫馴朴散不向
古時訛皆失真勿踏荒
溪波竭來浩然津薜帶
何辭楚桃源堪避秦世
迫且離

別心在期隱淪酬贈非烟誠永言銘佩紳

訓裴侍御對雨感時見贈

金陵

雨色秋來寒風嚴清江爽孤高繡衣人瀟灑青霞賞平生多感激忠義非外獎禍連續怨生事及徂川往楚邦有壯士鄔郢翻掃蕩申包哭秦庭泣血將安仰鞭屍辱已及堂上羅宿莽頗似今之人蠹賊陷忠讜渺然一水隔何由稅歸鞅日夕聽猿怨懷賢盈夢想

訓崔侍御

一本此下有城南二字

嚴陵不從萬乘遊歸卧空山釣碧流自是客星辭帝座元非太白醉揚州

翫月金陵城西孫楚酒樓遠曙歌吹日晚乘醉著紫綺裘烏紗巾與酒客數人棹歌秦淮往石

頭訪崔四侍御

昨翫西城月青天垂玉鈎朝沽金陵酒歌吹孫楚樓忽憶繡衣人乘船往石頭草裏烏紗巾倒被紫綺裘兩岸拍手笑疑是王子猷酒客十數公崩騰醉中流謔浪棹

海客喧呼傲陽侯，半道逢吳姬。卷簾出柳榆，我憶君到此。不知狂與羞，一月_{一作日}一見君。三杯便回棹，捨舟共連袂。行上南渡橋，興發歌綠水。秦客為之謳，雞鳴復相招。清宴逸雲霄，贈我數百字。字字凌風飈，繫之衣裘上。相憶每長謠。

江上答崔宣城

太華三芙蓉，明星玉女峰。尋仙下函嶽，陶令忽相逢。問我將何事，湍波歷幾重。貂裘非季子，鶴氅似王恭。謬忝

燕臺召而陪，鄙隗蹤。水流知入海，雲去或從龍。樹繞蘆洲月，山鳴鵲鎮鐘。還期如可訪，台嶺蔭長松。

答族姪僧中孚贈玉泉仙人掌茶

并序

余聞荊州玉泉寺，近清溪，諸山山洞，往往有乳窟。窟中多玉泉，交流其中，有白蝙蝠，大如鴉，按仙經，蝙蝠一名仙鼠，千歲之後，體白如雪，棲則倒懸，蓋飲乳水而長生也。其水邊處處有茗草，羅生枝葉，如碧玉，唯玉泉真公常采而飲之，年八十餘歲，顏

色如桃花而此茗清香滑熟異於他者所以能還
童振枯扶人壽也余遊金陵見宗僧中孚示余茶
數十片拳然重疊其狀如手號為仙人掌茶蓋新
出乎玉泉之山曠古未覲因持之見遺兼贈詩要
余答之遂有此作後之高僧大隱知仙人掌茶發
乎中孚禪子及青蓮居士李白也

常聞玉泉山山洞多乳窟仙鼠如白鴉倒懸清溪月茗
生此中石玉泉流不歇根柯洒芳津採服潤肌骨一作叢老

卷綠葉枝枝相接連曝成仙人掌似拍洪崖肩舉世未
見之其名定誰傳宗英乃禪伯投贈有佳篇清鏡燭無
鹽顧慚西子妍朝坐有餘興長吟播諸天

訓裴侍御留岫師彈琴見寄

君同鮑明遠邀彼休上人鼓琴亂白雪秋變江上春瑤
草綠未衰攀翻寄情親相思兩不見流淚空盈巾

張相公出鎮荊州尋除太子詹事余時流夜郎
行至江夏與張公去千里公因太府丞王昔使

車寄羅衣二事及五月五日贈余詩余答以此

詩

張衡殊不樂應有四愁詩慙君錦繡段贈我慰相思鴻
鵠復矯翼鳳凰憶故池榮樂一如此商山老紫芝

醉後荅丁十八以詩譏余搥碎黃鶴樓

此詩楊慎云是偽作

黃鶴高樓已搥碎黃鶴仙人無所依黃鶴上天訴玉帝
卻放黃鶴江南歸神明太守再雕飾新圖粉壁還芳菲
一州笑我為狂客少年往往來相譏君平簾下誰家子

云是遼東丁令威作詩調我驚逸興白雲遶筆窻前飛
待取明朝酒醒罷與君爛熳尋春暉

答裴侍御先行至石頭驛以書見招期月滿泛

洞庭

君至石頭驛寄書黃鶴樓開緘識遠意速此南行舟風
水無定準湍波或滯留憶昨新月生西簷若瓊鈎今來
何所似破鏡懸清秋恨不三五明平湖泛澄流此歡竟
莫遂狂殺王子猷巴陵定近遠持贈解人憂

答高山人兼呈權顧二侯

虹霓掩天光哲后起康濟應運生夔龍開元掃氛翳太
微廓金鏡端拱清選裔輕塵集嵩嶽虛點盛明意謬揮
紫泥詔獻納青雲際讒惑英主心思踈佞臣計彷徨庭
闕下歎息光陰逝未作仲宣詩先流賈生涕挂帆秋江
上不為雲羅制山海向東傾百川無盡勢我於鷓夷子
相去千餘歲運闊英達稀同風遙執袂登艫望遠水忽
見滄浪柁高士何處來虛舟渺安繫衣貌本淳古文章

多佳麗延引故鄉人風義未淪替顧侯達語默權子識
通蔽曾是無心雲俱為此留滯雙萍易飄轉獨鶴思凌
厲明晨去瀟湘共謁蒼梧帝

答杜秀才五松見贈

五松山在南陵鉅坑
西五六里 軍城

昔獻長楊賦天開雲雨歡當時待詔承明裏皆道揚雄
才可觀勅賜飛龍二天馬黃金絡頭白玉鞍浮雲蔽日
去不返總為秋風摧紫蘭角巾東出商山道採秀行歌
詠芝草路逢園綺笑向人兩君解來一何好聞道金陵

龍虎盤還同謝眺望長安千峯夾水向秋浦五松名山
當夏寒銅井炎鑪歎九天赫如鑄鼎荆山前陶公矍鑠
呵赤電回祿睢盱揚紫煙此中豈是久留處便欲燒丹
從列仙愛聽松風且高卧颼颼吹盡炎氛過登崖獸立
望九舟陽春欲奏誰相和聞君往年遊錦城章仇尚書
倒屣迎飛箋絡繹奏明主天書降問迴恩榮骯髒不能
就珪組至今空揚高蹈名夫子工文絕世竒五松新作
天下推吾非謝尚邀彦伯異代風流各一時一時相逢

樂在今袖拂白雲開素琴彈為三峽流泉音從茲一別
武陵去去後桃花春水深

至陵陽山登天柱石訓韓侍御見招隱黃山

韓衆騎白鹿西往華山中玉女千餘人相隨在雲空見
我傳秘訣精誠與天通何意到陵陽遊目送飛鴻天子
昔避狄與君亦乘驄擁兵五陵下長策馭胡戎時秦解
繡衣脫身若飛蓬鸞鳳翻羽翼咏粟坐樊籠海鶴一笑
之思歸向遼東黃山過石柱巖崿上攢叢因巢翠玉樹

忽見浮丘公又引王子喬吹笙舞松風朗詠紫霞篇請
開藥珠宮步網繞碧落倚樹招青童何日可携手遺形
入無窮

訓崔十五見招

爾有鳥跡書相招琴溪飲手跡尺素中如天落雲錦讀
罷向空吟疑君在我前長吟字不滅懷袖且三年

答王十二寒夜獨酌有懷

此詩蕭士贇云是偽作

按此篇造語用事錯亂顛倒絕無倫理董龍一事

尤為可笑決非太白之作乃元儒所謂五季間學
太白者所為耳

昨夜吳中雪子猷佳興發萬里浮雲卷碧山青天中道
流孤月孤月滄浪河漢清北斗錯落長庚明懷余對酒
夜霜白玉牀金井冰崢嶸人生飄忽百年內且須歡暢
萬古情君不能狸膏金距學鬪雞坐令鼻息吹虹霓君
不能學哥舒橫行青海夜帶刀西屠石堡取紫袍吟詩
作賦北牕裏萬言不直一杯水世人聞此皆掉頭有如

東風射馬耳魚目亦笑我請一作與明月同驂騶拳跼

不能食蹇驢得志鳴春風折楊皇華合流俗晉君聽琴

枉清角巴人誰肯和陽春楚地由來賤竒璞黃金散盡

交不成白首為儒身被輕一談一笑失顏色蒼蠅貝錦

喧謗聲曾參豈是殺人者讒言三及慈母驚與君論心

握君手榮辱於余亦何有孔聖猶聞傷鳳麟董龍更是

何雞狗一生傲岸若不諧恩疎媒勞志多乖嚴陵高揖

漢天子何必長劍挂頤事玉階達亦不足貴窮亦不足

悲韓信羞將絳灌比襴衡恥逐屠沽兒君不見李伯北海
英風豪氣今何在君不見裴尚書土墳三尺蒿棘一作
居少年早欲五湖去見此彌將鍾鼎疎

卷之二

--	--	--	--	--	--	--	--	--	--	--	--	--	--	--	--	--	--	--	--

